



SALID PRESIDIAL

Ussa ei la pausa suenter il stentg unviern era gia a fin ed jeu sperel che Vus hages puspei cargau las batterias. Per mei eis ei mintgamai fascinont d'observar co il vitg sedurmenta suenter gl'unviern en ina sien da Rosaspina per lu vegnir spert puspei, cu la nova stagiun s'annunzia, sin turas. Strusch ch'ins sa trer flad in tec pli lev, entschiva quella era gia. La stad arriva ed ei dat bia da far, jamnas interessantas spetgan. Perquei emplenin nus gest quater paginas da questa ediziun. Per exempel per presentar a Vus la candidata ed ils candidats ch'ei s'annunziai entochen ussa pil post liber en suprastanza communal. Emprandi d'enconuscher in tec quellas personas el purtret cuort silla pagina cheu dasperas. E vulessas Vus scuvrir Laax inagada ord vesta da ses mistergners, siu commerci e ses survetschs? Jeu envidel Vus da visitar la fiasta da commerci e mistregn a Pardanal. Ulteriuras occurrenz attractivas e terminis impurtonts anfleis Vus sco usitau sut il punct «agenda».

*Cun pre-salids da stad
Franz Gschwend, president communal*



Quest Link meina Vus tier las Novas da Laax en tudestg e romontsch

RADUNONZA COMMUNALA DILS 13 DA ZERCLADUR 2023

Elecziun dalla suprastanza communal

Alla proxima radunonza communal da margis, ils 13 da zercladur 2023 ei era l'elecziun pil post vacant ella suprastanza communal. Suenter 12 onns finescha Marita Buchli, tenor constituiziun, sia davosa perioda d'uffeci. Nus engraziein ad ella cordialmein per siu grond engaschi da biars onns

per nossa vischnaunca. Entochen ussa ein treis candidaturas enconuscentas per sia successiun. La candidata ed ils candidats sepresentan sezs a lecturas e lecturs da questa ediziun dallas Novas da Laax. Ulteriuras annunzias da candidaturas ein vinavon pusseivlas tochen la radunonza communal.

CLEAN UP DAY

Encuret: voluntaris

Nus tuts appreziein ed havein bugen la bellezza da nossa natira. Quei che vegn denton mintgamai neunavon sut la neiv ei tut auter che bi. Il schinumnu «Clean Up Day» ch'ei mintg'onn suenter la sta-

giun, s'engaschein nus comunabla-mein pil schurmetg d'ina cuntrada schubra e tgirada. Nus allontanein rumien e prendein ensemen rauba ch'ei restada anavos el territori da skis. A tuts che vulan prestar ina contribuziun per in ambient tgirau, ein envidai da gidar da schubergiar praus e pastiras. En gruppas ed equipai cun sacs da rumien e vons rimnein nus tut quei che s'auda buca ella biala cuntrada. Sco engraziament spetga in bien sentiment ed in bigliet per la stagiun da skis 2023/2024.

Cu: sonda, ils 3 da zercladur 2023, 9.00 – 15.00

Serimnar: staziun a val Laax-Murschetg, avon il Café Piazza, 9.00

Impurtont: P.pl. seregistrein online ella pagina www.flimslaax.com. Il diember da participonts ein limitaus. L'annunzia ei pér definitiv sch'ella vegn confirmada cun in e-mail. Da macort'aura e sche l'occurrenza ei annullada, vegn quei communicau allas personas ch'ei seregistradas.



CANDIDATURAS ENCONUSCHENTAS FIN USSA

RUDY J. WIESER



Jeu sun naschius 1962 a Zug nua ch'jeu sun era ius a scola. Jeu sun maridaus e bab d'in feigl da 25 onns che studegia alla Scola politecnica federala ETH a Turitg. Tier la famiglia s'auda era nies tgaun ch'ei tuttina bugen els cuolms sco jeu. Suentar ina scolaziun tecnica cun matura professiunala hai jeu studegiau economia da menaschi e cumplettau la formaziun ella sparta da marketing sco era cun in studi da master

ella comunicaziun d'interpresa e coaching. Jeu sun possessur d'ina agentura da comunicaziun e d'ina firma da survetschs da marketing ella quala jeu lavurel era. Giu la Bassa sundel jeu engaschus en diversas uniuns, entginas da quellas presidieschel jeu era. Politicamein sundel jeu staus activs en diversas cumissions, aschia els secturs scola, socialester ed egalitad. Dasperas sundel jeu staus meinagestiu dalla PLD dil cantun Zug. Tras quella hai jeu era saviu empunir buns contacts cun Berna. Oz sundel jeu commember e delegau dalla PLD ils liberals Surselva. En miu temps liber teiddel jeu bugen e fettschel era bugen musica. Jeu sun staus

commember dil Chor Rumantsch Zug, en quel hai jeu era saviu duvrar mias enconuschientschas dil lungatg romontsch. Leger s'auda medemamein tier mias passius dil temps liber, sco era discutir e conversar. Ils cuolms han adina gia fascinau mein ed jeu hai tschaffen da viandar e dir cun skis. Gl'unviern lavurel jeu era bugen sco scolar da skis cheu Laax. Cun pissiun sundel jeu dalla partida per contonscher finamiras e realisar projects. Jeu sun aviarts per tuttas e tuts sco era per sligiazions ch'ei mintgat era nunconveniunalas. Jeu havess plascher d'astgar s'engaschar ella supprastanza communal pils habitonts e per la vischnaunca da Laax.

IRINA BEER – GIUVEN, PLEIN SLONTSCH, ROMONTSCH

Quei ei il moto dalla vischnaunca da Laax. Dus da quels criteris adempleschel senza problems. Avon 50 onns sundel jeu vegni da battegiada sil num Irina Manuela Killias. Jeu hai era frequentau las scolas e passentau mia giuventetgna a Laax. Apropos giuventetgna, quell'unium haiel astgau presidiar da lezzas uras. Suentar igl emprendissadi mercantil tier l'administraziun communal da Laax ei era mia veta professiunala sesplagada principalmein en quei sector: 14 onns sundel stada canz-

lista si Pitasch, 5 onns actura dil parlament Ilanz/Glion e 5 onns assistenta dil scarvon da Panaduz. Jeu haiel pia grond'investa en las fatschentas d'ina vischnaunca, co ina supprastanza lavura e funcziunescha. Dapi igl avrel lavurel sco assistenta dil directur tier RTR, quei en in pensum da 60%. Jeu hai in bien dun da lungatg e discuorel e scrivel romontsch, tudestg, franzos, engles e talian. Tut tenor aura e stagiun entaup'ins mei savens en la natira. Seigi quei sin skis, velo, a catscha, spassergiond ni

dend ina paterlada cun mes convischins.

Perquei che nus havevan buc'anflau in dacasa per nossa famiglia a Laax,

vein nus priu dimora avon 20 onns a Domat. Uss che mes affons, Ursin (23), Nicole (21) e Nevio (15) van plaunet lur atgnas vias essan miu parternari Rätus ed jeu secasai a Laax.



Mias empremas s'entupadas cun cun Laax hai jeu astgau far gia d'affon. Gl'unviern sco la stad ei nossa famiglia stada biars onns cheu en vacanzas. Malgrad ch'jeu sun pli tard viagias bugen egl jester ed el lontan, ha Laax mai schau liber mei. Gl'onn 2016 hai jeu bardigliu si cheu ed hai sentiu ch'jeu vi restar cheu. Jeu sun na-

schius 1961 e carschius si el cantun Argovia. Pli che 30 onns hai jeu luvrau sco meinaproject e -programs tier la Credit-Suisse e sundel staus da casa era en autras tiaras. Aschia hai jeu luvrau pil sector «operziuns internaziunalas» en Brasilia, Luxemburg, Austria e Singapur. En Svizra hai jeu luvrau cunzun pil sector dalla clientella da fatschenta.

Professiunalmein disponel jeu d'in diplom en informatica d'economia e meinaproject certificau ella sparta «operation excellence». El militer hai jeu prestau survetsch sco cumandant el rang da ca-

pitani. Dapi 2019 sun jeu um da casa cullas suandontas activitads principalas: cuschinar, lavur d'iert e schubergiar, sco era mirar dil tgaun. Miu temps liber passentel jeu cun viandar, dar schah e viagar. Plinavon interessescha mei fetg la politica locala tochen mundiala. Laax ha dau a mi in grondius dacasa. Ussa vi jeu bugen s'engaschar activamein pil beinesser dalla vischnaunca e sia populaziun. Jeu sun ault motivaus, flexibels e mia partenaria sustegn mei fetg. Jeu fuss semtgau, ed ei fuss ina honur per mei!

CHRISTIAN BIRCHMEIER

NOVAS DA LAAX

Zweimonatliches Informationsbulletin mit Aktuellem aus Verwaltung und Vereinen



FIASTA DA COMMERCII E MISTREGN PARDANAL



Cun ina fiasta da commerci e mistregn envidan ils menaschis el quartier Partanal la populaziun ad in gi dallas portas aviartas. Ils possessurs dallas fatschentas domicilia-das leu selegnan da presentar lur far e demanar. «L'idea per in gi dallas portas mava buca pli ord il tgau a mi», gi gl'iniziant Beat Camathias, possessur dalla scrinaria

Camathias SA. Ensemen cun sia dunna Petra, cun Peter Conrad, Roman Coray, Arno Niederberger e cun Max Welter ha el realisau la fiasta da Pardanal. L'idea ha anflau spert accoglientscha, la finala ein 38 menaschs s'annunziat e separticipeschan ussa al gi dallas portas aviartas. Ei dat bia da mirar, veser e scuvrir enta Pardanal –

medemamein da guder. Nus tradin denton buca tuttas surpresas. Ton seigi getg: Ei vala da visitar nies quartier da commerci e mistregn enta Pardanal. Ei ha per pign e grond enzatgei.

Cu: Sonda, 10 da zercladur 2023, dallas 10.00 – 18.00.



SIN VIADI CUN IL CHOR D'AFFONS TICO

28 affons naven da l'empreda entochen la quarta classa han sepresentau agl auditori ensemen cun lur dirigents Umberto e Rinaldo Camathias a caschun da lur concert annual.

Dapi igl onn da fundaziun avon treis onns ei quei stau igl empreda concert ch'els ein sepresentai persuls. Ell' aula emplenida

han ils affons presentau treis blocs cun canzuns en plirs lungatgs e da differents genres. Lur viadi cantic ha menau naven dalla canzun da beinvegni, sur l'alp Nagens per clamar las brinas e las gaglias entochen profund ell'Africa.

Ils menaders han capiu da tschentiar ensemen in program fetg varient e divertent

Naven digl atun 2023 vegn il chor che secumpona actualmein ord affons dallas vischnauncas da Laax, Falera e Schluain ad augmentar la purschida per affons dall'empreda entochen la sisavla classa. Annunziat ein pusseivlas entochen fin matg. Per informaziuns stat Sabrina Camathias, che segna per l'organizaziun bugen a disposiziun sut: info@chor-tico.ch ni 076 517 84 94.

per egl ed ureglias. Sper melodias delectontas han ils affons era perschadiu cun choreografias, percussium dil tgerp, decoraziuns e maletgs. Rica-Maria Cathomen da Falera ha accumpignau ils affons all'ala.

www.chor-tico.ch



IN LIUG DA «SENTUPADA» PER TUTTAS E TUTS

Gia dapi in temps sefatschenta in gruppa da lavur cun representants dalla pleiv catolica, dalla vischnaunca politica e dalla Pro Laax cun la damonda tgei far cun la «Sentupada», ch'ei vegnida surdada alla publicitad igl onn 1984, e che vess ussa il basegns da vegnir adattada als basegns actuals.

Il baghetg sper la casa parvenda vegn en emprema lingia duvraus dallas uniuns dil vitg, denton era da privats ch'organiseschan occurrenzas da tut gener.

El decuors dil davos temps ein las uniuns, instituziuns e persunas che fan diever dallas localitads vegnidadas da pale-

sar lur ideas e giavischs en connex cun l'infrastructura e las localitads dalla «Sentupada».

Mesjamna, ils 7 da zercaldur, 20.00, envidan la pleiv catolica e la fundaziun Pro Laax ella «Sentupada» ad ina sera d'orientaziun e presentaziun dallas propostas ed ideas ch'ein gia avon maun.

Tgi che s'interessescha per il project ei cordialmein envidaus da participar.

Per la gruppa da lavur: Christoph Kälin, president pleiv catolica ed Erwin Ardüser, president Pro Laax.

DIE «SENTUPADA» — EIN ORT DER BEGEGNUNG FÜR ALLE

Bereits seit einiger Zeit beschäftigt sich eine Arbeitsgruppe mit Vertretern der katholischen Kirchgemeinde, der politischen Gemeinde und der Pro Laax mit der Frage, was mit der «Sentupada», die 1984 der Öffentlichkeit übergeben wurde und nun etwas in die Jahre gekommen ist, geschehen soll.

Das Gebäude neben dem Kirchgemeindegewandhaus wird in erster Linie von den Dorfvereinen, aber auch von Privatpersonen, die Veranstaltungen aller Art organisieren, genutzt.

Im Laufe der letzten Monate wurden die Vereine, Institutionen und Personen, welche

die Räumlichkeiten nutzen, eingeladen, ihre Ideen und Wünsche bezüglich Infrastruktur und Räumlichkeiten des «Sentupada» einzureichen.

Am Mittwoch, 7. Juni, 20.00 Uhr, laden die Kirchgemeinde und die Stiftung Pro Laax in der «Sentupada» zu einem Orientierungsabend und zur Präsentation der bereits vorhandenen Vorschläge und Ideen ein.

Wer sich für das Projekt interessiert, ist herzlich zur Teilnahme eingeladen.

Für die Arbeitsgruppe: Christoph Kälin, Präsident katholische Kirchgemeinde, und Erwin Ardüser, Präsident Pro Laax.

TERMINKALENDER

Samstag, 3. Juni 2023

Clean Up Day

9.00 – 17.00 Uhr, Talstation Laax

Mittwoch, 7. Juni 2023

Orientierungsabend «Sentupada»

20.00 Uhr

Samstag, 10. Juni 2023

Willkommensanlass Neuzuzüger

13.00 Uhr

Waldhütte Salums Sura,

Treffpunkt Posta Laax

Samstag, 10. Juni 2023

Gewerbefest Pardanal

10.00 – 18.00 Uhr

Das interessante Gewerbequartier präsentiert seine spannenden Betriebe.

Dienstag, 13. Juni 2023

Gemeindeversammlung

20.00 Uhr, Aula Grava

11. bis 16. Juli 2023

OL-Weltmeisterschaften

im Wald-Orientierungslauf mit Mittel-, Lang- und Staffellauf.

Samstag, 22. + Sonntag, 23. Juli

Kinderfest

10.00 – 16.45 Uhr, Laaxer See

Attraktionen, Spiel und Spass für alle Kinder und ihre Familien. www.kinderfest-laax.ch

Samstag, 29. Juli

31. Dorfmarkt in Laax

10.30 – 18.00 Uhr

Mit einheimischen Produkten, Waren und Dienstleistungen

Samstag, 29. Juli

Sommernachtsfest am Laaxersee

18.00 Uhr, Laaxer See

Bekannte Schlagerstars wie ChueLee, Sigrid & Marina, Hansy Vogt sowie Marianne Cathomen bringen das Festzelt am Laaxersee zum Beben.

IMPRESSUM:

Novas da Laax, Vischnaunca da Laax
Cumpara: mintg'auer meins, alla fin dil meins
Proxima ediziun: 28 da fenadur 2023
Ideas per tematicas: entochen ils 12 da fenadur 2023

Redacziun: Domenica Flütsch

Contact: admin@laax-gr.ch